

Ka mehla pitšo ya Modimo ya tshokologo ya kwagala

Thero mo Joele 2:12-13

Palo ya Beibele: Joele 1 & 2:1-17

Temanathero: Joele 2:12-13

Gobaneng re swanetše go theetša thero ya moporofeta Joele? Gobaneng re swanetše go rera mantšu a moporofeta wa kgale wo re sa mo tšebego? Ga re tsebe le gore o phetše neng. O boletše ka ga kotlo ya ditšie nakong ya kgale. Gobaneng re swanetše go theetše se? Mo mehleng ya lehono ga re sa tšhogo ditšie.

Re leboga dihlarere tšeo di tšhetšwego mo nageng e le gore di bee maemo a yona gabotse, gore balemi ba se tšhoge botlalo ba ditšie mo mabeleng a bona. Le ga go le bjalo, se ga se re gore mehleng ya lehono ga go na dilo tšeo re swanetšego go di tshaba.

Nagana ka ga thoromo ya lefase, goba terene goba koloi goba go wa ga sefofane, goba mahloko a lefase, malwetši a go se fele, dintwa, botsotsi, le tše dingwe. Ge o lemoga go ba gona ga dilo tše, molaetša wa Joele ke wa maleba le lehono. Moporofeta yo o humane taelo go tšwa go Modimo gore a botše batho ba gagwe le batho ba Modimo mo mehleng ya lehono (21st century). Gobane le lehono Modimo o sa buša lefase. Modimo o hlokometše bomotho bja batho, bjalo ka e ke ke bana ba gagwe!

Tabataba: Ka mehla pitšo ya Modimo ya tshokologo ya kwagala

1) Kotlo ya ditšie

Nnete ke gore ga go eo a lego gona mo kerekeng yo a kilego a bona kotlo ya ditšie. Empa gopola ka ga se: leru le lesu leo le bonalago e bile le batamela ka bonako. Lephotho le legolo leo o ka le kwago le batamela mo kgauswi. Morutiši wa ka ka kgale o ile a bolela a re, ge a be a sa le yo monenyane, e ka ba mengwageng ye masome tharo ya sehla seo se fetilego gore ba bile lekotlo ya ditšie lefelong leo ba bego ba dula go lona mo nageng ya Afrika borwa. Ge bontši bja ditšie bo wela mo godimo ga mabele a gago, ga di tlogele selo. O ile a bona bontši ba ditšie go tšwa mo mohlareng, wo o emego kgauswi le ngwako wa bona. E be e le mohlare o mogolo. Gomme ka lebaka la boima bja ditšie tšeo di kopanego matlakala a ile a wela fase go tšwa mo mohlareng. Matlakala a boima, bjo e ka bago dicentimitara tša masome a mane ge go balwa. Bontši bja ditšie, seo e be e le selo seo segolo seo molemi a ka se tšhogago.

Ga re tsebe gabotse gore Joele o phetše neng. Mohlomongwe mo matšatšing a kgoši Joase. E ka ba lebaka le mengwaga e seswai pele Kriste a etla. Ga re tsebe gore mo nakong ya puso ya kgoši Joase tlala e ile ya wela naga ya Isiraele.

Tlala yeo e ka bego e hlotše ke bontši bja ditšie.

Go bohlokwa go lemoga gore seo re se balago mo, ke selo seo se diragetšego ka nnete. Mo go rena mohlomongwe go boima go gopola karolo ya kotlo yeo, empa o ka e bapetša le seo re se bonago matšatšing a lehono mo telebisioneng, bjalo ka karolo ya thoromo ya lefase, goba tsunami. Bontši bja ditšie bo ile bja ja mabele ka moka, naga ka moka, dilo ka moka tše bohlokwa. Ka lebaka la ditlamorago tšeo diphoofolo ka moka di ile tša hwa ka lebaka la tlala. Makgolo a diphoofolo tše di hwilego, di thoma go bola e bile di thoma go nkgaga. Ye ke tiragalo e kgolo. Seo Joele a re botšago sona, e be e le ditaba tše mpsa mo nageng ya Jerusalema ka nako yeo. Leru la ditšie le batamela go ba kgauswi le kgauswi. Merara mehlare ya dienywa di fedišwa go ba gona. Mabele a dimelela ka metsotso e se mekae. Go bonagala e ke moporofeta o bala go tšwa mo kuranteng. Mang le mang o be a tseba ka seo se bego se diragala.

Joele o šomiša mantšu a fapanego go hlaloša ditšie tše. Mohlala o mo kgaolong ya pele dimana ya 4: ditšie tše dintši, ditšie tše kgolo, tše di nenyane, le ditšie tše dingwe. se segolo seo a se bolelago mo ke mabaka a fapanego a karolo ya ditšie tše. Di bonagetše tše dingwe ka morago ga

tše dingwe. di senya dilo ka moka tše di tlogetšwego ka tša pele. Joele o re neela hlalošo e le baganego ka moo tshenyoye ya dilo tše nenyane diragalago ka gona. O di bapetša le bahlabani, o ka nagana ka ga bahlabani ba matšatši ao ge ba sepela ba ya ntweng. Ba feta dithaba. E le ba bantši, ba bonala bjalo ka go hlaba ga letšatši le le hwebidu mo mesong ka morago ga dithaba. Ba bjalo ka makoloi, ao a sepelago a lebile felo ga mollo. Ge ka moka di thoma go hlabana di kwagala bjalo ka kgabo ya mollo. Di bjalo ka batho ba maatla, bao ba tlogo. Mang le mang yo a ba bonago o a roromela. O ka di bapetša le mašole ao a tsenago motseng ao senya, a namela mo mabotong, a tsena ka gare ga motse. A namela godimo ga dintlo ka moka. A tsena ka mafestere. Ge a etla a le bjalo ka leru, bjalo ka letšatši le ge ngwedi o fetoga go ba o moso, se ke pono yeo e tšhošago hlalošo ya yona.

Karolo ya tšona ga e dule e sa bonwe ke mang le mang. E bjalo ka mollo. Mo basakego ba ba gona dilo tšohle di lebege e le tše botse. Empa ka morago ga go feta mo go šala e le legaga fela. Dilo tšohle di meditšwe di ka tlase ga lefase. Dihlare di šala e le tše tšhweu e le mahlomola! Joele o bolela o re: monna le phoofolo, mang le mang o llela go Modimo. Ga go dijo, dinoka ka moka di omile. Mo motseng wa Jerusalema pitšo ya potlako e tsebagaditšwe. Banei ba dijo le meetse ao a bego a fihletšwe ditšie bjalo ba lapile. Batho ba thoma go swarwa ke tlala. Ka lebaka la go hwa ga diphoofolo, ga go sehlabelo seo se ka tlišwago. Ga go diphoofolo tše di šetšego go dira sehlabelo. Tirelo ka moka ya tempele e a imišwa. Maphelo a batho ka moka a ema.

Ga se fela balemi bao ba tlaišegago. Bao ba lego toropong, ba bjalo ka bao ba lego magaeng. Bahumi le badidi, balego bohlokwa le bao ba sego bohlokwa, mang le mang o a akareditšwe. Ke lebaka la pitšo ya naga ya potlako. Babeletše ka moka ba dipanka ga ba sa na tšhelete. Bana bešo, ke a tshepa gore le lemogile gore gona bjalo: se e be e le nnete. Mahlomola ao a diragetšego!

2 Modimo o re biletša tshokologong

Seo Joele a se bolelago, e le lebaka la maleba mang le mang yo a sepelago mo mmeileng wa Jerusalema, o be a ka go tsebiša ka yona nako yeo. Mang le mang o be a bolela le go ngongorega ka lebaka la mahloko ao a hlagilego. Empa ga re botšišeng bjale: ana ke eng seo se bego se tsebagatšwa ke molaetša wa Joele? Gabotse, seo se makatšago ka molaetša wo bjalo ka ge re bala mo kgaolong ya bobedi temana ya 11: 'Modimo o bjalo ka hlogo ya bahlabani ba gagwe, maatla a gagwe a feta palo, gomme ba maatla ke bao ba hlokomelago taelo ya gagwe. Letšatši la Modimo ke le legolo, le a tšhoša. Ke mang yo a ka le emelago?'

Se ke seo se bego se tšhoša ka molaetša wa Joele: ke Modimo yo a rometšego leru la ditšie! Ka madimabe a re kwa pitšo ya tshokologo. Ba be ba swanetše go letša lekope bjalo ka ge re bala mo kgaolong ya bobedi temana ya mathomo. Lekope e be e le leswao la matšatši ao. Empa Joele o tlatša ka gore letšang lekope gape lebakeng la bobedi! A go kwagale modumo wa lona gape! Madimabe a ile a direga, ditšie di ile tša senya dilo ka moka. Empa a go kwagale modumo gape. Bitšang letšatši la go ikona. Kopane ya go itshola. Bitšang letšatši la thapelo. Nako ya go rapela e tlile le go rapela le go rapela! Ge kotlo ye a rometšwe ke Modimo, gomme ge re ka e tlhokomologa lebaka le a na re ka emelang mo nakong e tlogo? Tshokologo ke yona tharollo fela.

Bana bešo, go bonagala e ke moporofeta o bolela ka maatla. Go tšebisa batho: ye ke kotlo ye e tšwago go Modimo! Ka nnete ba be ba hloile molaetša wo. Empa Joele o be a se na kgetho. Lentšu la Modimo le be le mo gatelela. Lentšu la Modimo ke le maatla. Le maatla bjalo ka nnete. Lentšu la Modimo le iša go lebaka. Lentšu la Modimo le re iša mo re ka tšhabelago gona! Gomme bjalo Joele o re: le gonabjale morago ga go re Modimo a romele mahloko a o re bitša o re: sokologang! Etlang go Nna! Ripang dipelo tša lena, e sego diaparao! O ka se kgona go ikaketša mo pele ga Modimo. O ka se kgone go šomela Modimo ka pelo tše pedi. Seo e tla be e le go roga Modimo. O ka se kgona go aketša Modimo ka polelo tša mahlale. Ditiro tša ditumelo tše di sego mo pelong ya gago empa di tšwa mo ditumelwaneng go ba mahlohletši ga di na mohola. Ge o se gona mo kerekeng le pelo ya gago, Modimo o rogaka go ba gona ga gago. Ga go thuše selo ge o phutha matsogo mo kerekeng le ge o tswalela mahlo, gomme wa se theetše ka nnete ge moruti a rapela.

Re na le bohlokwa bjo bogolo, bjalo ka batho ba Isiraele kgale, go humana Lentšu la Modimo beke le beke, go kwa ka ga kgaugelo ya Modimo le phološo ya gagwe. Empa ka madimabe bjalo ka ge go be go direga matsatšing a Joele le lehono go ka ba le maloko a kereke bao ba bilego maloko mengwaga e mentši empa ba sa theetše ka nnete, gomme ba sa sokologe ka dipelo tša bona ka moka. Thero ya Lentšu e tsena ka tšebe e tee gomme ya tšwa ka go yengwe. Mo go rena molaetša wa Joele o bonolo: Modimo o na le kgaugelo, gomme ga a fele pelo. Empa, ga a amogele seo ge batho ba tšwela pele go bapala ka Yena. Modimo wa rena, yo a dirilego kgwerano le rena, ga a eme kgole, a se lebelele maphelo a rena. O mo kgauswi le rena ka ditšhegofatšo tša gagwe, o re šegofatša ka boitekanelo ka tšeo re nago le tšona, o re šegofatša ka mekgwa e mentši. Empa o kgauswi le rena ka kotlo ya gagwe. Ana o nagana eng ka ntate yo a kgalemelago bana ba gagwe ka nako tšohle, empa a sa ba otle? Bana ba nago le ntate yo bjalo go tlile go ba boima go ka ba kgalemela. Modimo Tate wa rena magodimong ga se Ntate yo bjalo. Go na le nako e tlogo mo kotlo e ka se kgonego go efogwa. Gomme ge kotlo ya gagwe e etla, e tlile go bo kotlo ya nnete. Batho mo matsatšing a Joele ba ile ba ekwa. Bjalo ka ge moporofeta Maleaki a re: ke mang yo a ka emelago go tla ga letšatši leo? Ke mang yo ka emago ge a tswelela? Gobane o tlile go ba bjalo ka lehlokwa la mollo, goba ka sešepe se ba bago. O tlile go ba bjalo ka lehlokwa gomme a hlwekiša silifera, o tlile go hlwekiša baLefi gomme a ba dira bjalo ka gauta le silifera. (Malaki 3.2-3) ka kotlo ya gagwe Modimo o emiša bana ba gagwe. Ka kotlo ya gagwe o ba biletša gore ba sokologe. Bjalo ka ge motho a boletše a re. Mo tšwelelong ya rena Modimo o bolela le rena. Empa mo maimeng Modimo o a re goelela. O re hlohleletša gore re boela go Yena ka tshokologo. Le mo kotlong ya gagwe re iponela kgaugelo ya gagwe, gobane kotlo ya gagwe ga se lebaka la gore iša kgole le yena. Ka lebaka leo, kotlo ya gagwe ke e bohlokwa thata. Ke Jesu fela yo a kgonneggo go sepela ka tlase ga kotlo ya Modimo. Mo lebakeng la rena kotlo ya Modimo e re gogela kgauswi le Yena. Gobane tshokologo ya nnete ga e na morago. Gomme ka mehla le mehla le kwa pitšo ya Modimo ya tshokologo. Mo dilong tše botse tšeo re itemogelago tšona. Empa le mo mahlokong, le mo malwetšing bjalo bjalo. Kudukudu mo go tšona Modimo o a re bitša, o a re goelela gore re sokologe.

Amene.